

10

IN NOMINE JESU!
DISCURSUS THEORETICUS,
ABSTRACTAM
DISPUTATIONIS IDEAM
REPRÆSENTANS;

Qvem.

Cum consensu Ampl: Fac: Phil:
In Regia ad Auram Academia,

P R A E S I D I O

Pl. Reverendi & Excellentissimi Viri,

DN. M. ANDREÆ WANOCCHII,
Phil: Pract: & Histor: Profess: Ord: celeberrimiq;
Præceptoris & Promotoris quovis observan-
tiæ cultu perpetuo devenerandi,

*Placida philosophantium censura, exercitii gratia subji-
cere constituit*

G A B R I E L S A L O N I U S.

Die, benedicente Deo, 23 Octob. Anni currentis 1686.



ABOÆ, impr. apud JOH. LAURENTII WALLIUM, A.T.

Regia Academia Aboënsis

MAGNIFICO Dn. RECTORI,

Quam maxime, Admodum, plurimumque Reverendis, Amplissi-
mis & praecellentissimis Dominis,

DNN. PROFESSORIBUS,
Promotoribus summis:

Ut &

Aequissimo, Prudentissimo, & Humanissimis Dnn.

Dn. ZACHARIÆ BOELIO, Curiæ Neosta-
diensis Consuli Consultissimo, favitori obsequiose co-
lendo:

Dn. PETRO WÅNGO / In Wehmo Håradh
Prætori per quam fideli, benefactori honorando:

Dn. SAMUELI JUSTANDRO, Ecclesiæ
quæ ad S: Michaël colligitur Aboæ, animarum cura-
tori attentissimo:

Dn. JOHANNI LUCCANDRO, V: D: Mi-
nistro in Långelmaäsi diligentissimo:

Dn. NICOLAO Börman / Præturæ We-
moënsis Scribæ perindustrio :

FELICIA FATA!



Magnifica certè res, & legibus non minus divinis quam naturæ consentanea, gratuitam beneficiorum molem gratitudinis antidoto & justo retributionis æquilibrio recompensare: voluit enim id jam in rerum initiis Cœleste Numen, dum indissolubili illa aureaque societatis catena miserrimos mortales coñecteret. Alta argumentorum pondera, hinc indè deprompta præter necessitatem huc adferre lubens supersedeo, cum ad hoc comprobandum satis sit consuetudinis perpetua laus, & quotidiana vivendi norma, scilicet, quod *manus manum fricare* teneatur: quippe & bestiarum sive in sylvis, sive aquarum spatiis, omni prorsus ratione parentium, gratitudinis naturalis, vel quasi gratitudinis, adumbratio huic non obscurè videtur esse analoga. Nefas profectò esset, si vel ego quantuscunque *Nominum Vestrorum* cultor, tot & tantorum beneficiorum clarissima documenta, alto & tenebroso involverem silentio; quin potius id, quod intrapeitoris mei claustra diu delituerat, tam mihi met ipsi revocarem in mentem, quam aliis testata redderem; præsertim cum gratiæ Vestræ saluberrima aura, partim etiam bene-

beneficia, id cum primis à me videntur postulare. Sed dubius hæreo, an gratiudinis possit existere signum, Discursus hujus simplicissima tenuitas? quæ à culinari inge-
nio, humili stylo contexta, & luminibus verborum, quibus uti decuisset, minimè ornata: siqvidem omni proporcione ad vestra beneficia destituitur. Sed si retro spexero,
qua paterna fronte, quam lucido oculo aspicitis omnium eorum ora, ingenium & animos, qui circa hanc Academiam Vestris pascuntur deliciis, minimè dubito, quin hocce quamvis folio tenuius munuscum, ubi nil solenne, nil altum, ut forte expectatis, vestris placeat pectoribus: quod etiam nunc majorem in modum & vehementer commendo. Sed & Deum clementissimum corde, ore & exorrectis compello manibus, ut *Vos* continua sua Clementia potentiaq; fulcris stabiliſſimis ac robustissimis, fulcire dignetur, quo, dum in hoc Academiæ roſario, velut dulcia' poma & fontes, qui gratissima dant toti coetui refrigeria, perdiu floreatis, deniq; hac vita abunde saturati, ad lætiſſima cœlica tempe æternarumq; mentium pomposa collegia placide migretis!

V. V. Dignitatum

*Cultor humilimus
& officiosus,*

GABR. SALONIUS.

Illustris



Illustribus quidem argum exceilis animi ornavit dotibus
microcosmon Cœlestis illa & in eternum benedicta sa-
pientia; at horribile dictu! terribile auditu! Archis-
tecti Divini gloriam, suam principis hujus mundi, ar-
abiens, privatus perfectione imaginu Dei, ad quam e-
rat conditus, in ignorantia & stupideitate barathrum
miserrimo quodam casu, se suosque, posteros precipitavit; adeo, ut in-
genium jam obtusum & hebes factum, oculi mentis à via veritatis,
aliquæ hereditaria infelli, declinent, & noctue instar in splendidissi-
morum solis radiorum luce obscurati executiantur; nec solum in iis,
qua spiritus Dei sunt, sed & in rerum naturalium accurato scruta-
rio infelix homo infeliciter cessabit. Unde conquesisti sunt eriam
antiquiores, almam Veritatem in altam argum profundam foveam
demersam esse. Hinc ergo opus remedio: quod excepta illa specia-
li spiritus veritatis illuminatione præcissimum est, præsuppositis
seminariis ruderibusque, qua nobis connescuntur, si quis ratione, rebus,
quarum est capax applicaverit, tamque, frequentius in gyrum egerit:
quo sit, ut nobilu illa imaginu Divine fax quodammodo incendatur,
mensque labo Edentia occidata viceissim acuatur. Scilicet disputando
reddimur promptiores ad indagandam veritatem, quam sine ea,
vix assequi possemus. Unde materiam banee de Disputatione, quam
etiam Exellentiss: R Doctor Gerhard in Methodo studii theologicici,
principium societas Academica cuiusque appellat, judicavi di-
gnam, que sub disquisitionis publica incedem à me revocaretur. Fa-
ces enim necesse est imperat fateri, solenne hoc argu-
mentorum rudiori ac par erat, penicillo à me adumbratum: sed in
causa fuit partim festinatio, qua in re gravi, ubi mora & me-
dicatio valente, aliquid vitii secum vchie ut plurimum, partim bre-
vitatis amor, qui hac dictu omnia non permisit exponere.
Veniam itaque ptero, Lector benebole, si quid aut omissum, aut in-
costum deprehenderis: Tibi mea viceissim officia constabunt & studia
Vale & a deolis politiora expedito.

A

Auxi-

AUXILIANTE DEO!

THESIS I.



visquis vel extremos ad Indos , latissimum peregrinationis conaretur emetri-
ri iter , oculorum suorum curiositatem
regionum delectabili prospectu tantum
ut pasceret, etiam meo sensu nullum la-
boris sui fructum, sumptuumq; lucrum
inde reportaret. At quem Divina benignitas exoticarum
terrarum angulos, ac maximas aquarum facies circum-
vagari voluerit, vulgaribus se non applicet , quin potius
maximo nisu, (præsupposito pietatis ardore,) grandia re-
rum molimina pertractet, & statum Imperiorum Regum-
que auctoritatem , & legum varietatem, & subditorum
conditionem, & terrarum situm, & fructuum ubertatem,
sibi reddat perspecta ; unde demum, ut ex Politica pru-
dentia, catenam rerum futurarum dijudicare discet. Nec
minimam parit utilitatem, si eruditorum frequens adsit
discursibus , & è doctis doctorum pectoribus, avidis au-
ribus ebullientes sapientiae rivulos derivarit. Hinc ipsi
laudis sapor, honoris fastigium; hinc gloria nomenq; ma-
nebit sempiternum: hunc domum redeuntem omnes can-
didis amplectuntur lacertis. Pari ratione regni studio-
rum spatiofissimos qui pervagatur campos, externam ejus
superficiem lambere ei nō sufficit; sed interiora viscera ipsa-
que rerum arcana scrutari tenetur & rimari ; hinc tū-
dē amplissima ornatum messe cum tempore colliget a-
grū, qui dum collectus, fructibus ejus hilari bonorum omni-
um applausu belle fruetur. Vastum illud mare Theolo-
gicum nemo fausto & felici sidere pernavigat, & ad por-
tum optatum pervenit; sed violentissimo euri afflatu , er-
rorumque undis circumventus in profundum præcipita-
tur, ni-

nisi prius in hoc laboris & fidei aquis inundet, & antilogiarum apparentium scopulos justo interpretationis clavo, normantibus Bibliis, locis que hagiographorum parallelis præternavigare sciat. Ad Metaphysices adyta & subtilissimos subtilitatum recessus nec datur currere lata via: nam est scientiarum Philosophicarum abyssus, & terminorum fere oceanus: indefessum ergo requirit laborem. Scilicet intelligere & rite applicare pro re nata infinitam & difficillimam terminorum congeriem, quibus universa illa disciplina, quanta quanta est, abundat, sane opus & labor est: quibus intellectis fragrantissimum doctrinæ odorem exspirat, & naribus svaves sapientiae halitus effundit. Logices exactam notitiam primis labris haurire, & obiter inspicio, quasi *canis ē Nilo*, vel *ad culinam*, ut refert Æsopus, non juvat; multum enim laboris requirit. Arcanas rerum causas æquo rimari judicio & viride floribusque purpureis ornatum pratum Physicum nemo siccо pede transire debet. Longum forte foret, si omnium Facultatum ambitum percurrerem. Tantum hunc addo calculum, in iis multa opus esse meditatione, & ex omnium harum disciplinarum cognitione fertilissimam Disputationis planitatem se aperire. Quid tandem sit, nulla scientia, nullum doctrinæ semen feliciter comparari quit, nisi prius solide in gyrum rationis ducatur & pendatur: hæc enim omnia lumine suo illustrat Disputationis efficacissima vis, dulcissimum illud ingenii nutrimentum, & nectar mellitissimum. Nam diametralis oppositio statum controversiæ ad oculum monstrat, quem ratiocinatio veritatem amans dislocat, abrumpit, indeque atras errorum nebulas depellit, facemque splendidissimam præbet veritati rei, secundum illud tritum: *Contraria juxta se posita melius elucescent*: non secus ac filex & chalybs, dum

nter se collidunt, violentus ille concursus ignem evomit. Ita ex sententiarum, non minimo stridore occurrentium collisione demonstratur & apertis luminibus certnitur veritatis puritas; quippe, impossibile est idem simul esse & non esse: & contrariorum alterum adesse, alterum abesse (removeri) necessum est. Secundum Arist: lib: de somn. Cap: I: ideo phosphorus ille philophantium curiosè alio in loco dicit: δει γαρ ιημας αντιβολογεισθαι, καу ии вп παρόδи τес хиyeς аπoдexнia: oporeet nos considerare sententias, & non sine exacta discussione probare; quod fiet, habitu primum respectu ad unionem extremorum subjecti & praedicati; sicutq; virtualiter destruendo, siue per distinctionem, siue exceptionem; tamen non forinsecus sumptas, ne monstruosus fiat transgressus & saltus de genere ad genus; sed ex ipsius rei natura promanantes, ut firmiores sint demonstrationum radices, quas dictitat rei habitudo & indoles, & operosa probationis industria. Cum ergo tanta sit Disputationum & utilitas & necessitas, in sequentibus qua fieri potest brevitate, de indole Disputationis, benedicente DEo, agam thesibus.

THESES: II

Priusquam vero definitio hujus floridæ non minus quam in re literaria maximè utilis & necessariæ materiei, de Disputatione, pro modulo ingenii in medium proferratur, rationem nominis reddendam existimo, cum aliquando multi obscuritatum scopuli, ramosa compita & inhospita tesa in recessu terminorum lateant: Igitur consilio illustrium virorum, accuratiorem rei indaginem summis viribus sectantium, si utar, & vestigiis eorum insistam, è re mea esse videtur: quod fit

I. Etymologiam adhibendo. Notatio Disputationis ritè enodata, à Præpos: Insep: dis, & verbo puto, peti potest
que

qvæ quidem nativæ suæ significationis usum hic loci non-nihil diductius ostendit: propriè enim hortulanorum est, qui in arvis sua exercent negotia, quiq; stolones & surculos infertiles aut infrugiferos dissecant, amputant, eoscq; ut non alicujus hili aut pili, pabulo flammæ inge-runt: In hunc nostrum sensum per metaphoram & comparationem venit, seu quod idem est, varie, allatis in utramq; partem diversis rationibus, de una eademq; re diverse putare, vel cum alio colloqui, vel secum ratio-cinari de rebus, quæ probabiliter in utramq; partem possunt agitari; quam actionem amant nobiliora inge-nia. Certum enim est intellectum nostrum à rebus men-surari, itaq; res propter diversissimas habitudines & affectiones, pro ut à nobis concipiuntur, diversimode no-bis respresentari: quia una eademq; res potest esse multis considerationibus obnoxia, prout intellectus noster multos format conceptus inter se pugnantes, qui recon-ciliatione indigent, ut amica quadam congruentia de-mum conspirent.

II. *Homonymiam evolvendo*; Cujus potiores tantum acceptiones hic præmittere animus est, potestque sic ostendi, quod *Disputatio* accipitur (1) materialiter, & systematico, pro ipsa materia disputandi, & pro ipso complexu, quo res illa continetur, & quatenus literis est consignata: quo sensu seu significati veniunt omnes Disputationes expressæ & typis vulgatae; sicut Svaretz, Gregorius de Valentia, & alti frequenter hujuscemodi tractatus appellant *Disputationes*. Deinde (2) formaliter pro actu disputato-rio, quo alter oppugnat, tanquam in duello, alter defen-dit, suis quisque favens rationibus: inde Cicero dicit, *Di-
spatere in utramq; partem*: quod communiter fit per actum Syllogisticum, raro alias. Secundum hanc acceptionem sumi-

sumitur, vel *late*, quatenus notat quodcumque colloquium, etiam vulgarium ingeniorum, qui nec *Aësopum* triverunt: vel *stricte*, qua res, quæcumque sit, noëmaticè & idealiter per operationem intellectus abstracta, in tertia mentis ~~invenientia~~ s̄istitur, qvæ eam à conditionibus imperfectis & variarum erroneous opiniorum nebulis expurgat, ut sanus eruatur sensus; qvod nostræ est considerationis. Qvin & dicunt aliquem secum disputare, hoc est, contrarias & diversas rationes ponderare, deliberare. Removentur ergo omnes philologicæ Disputationis acceptio-nes, dum significat amputare, difficare, item nationem villicationis habere; ut Disputare rationem cum aliquo, Plaut: præterea disputationes sunt *superstitiones*, quarum auctor per suas artes diabolus existit, qui ut in aliis, ita in hac milie est artifex. Mox *supervacanze*, quæ dicuntur ~~vacanze~~ i. Tim. 1. v. 6: De quibus etiam C. 6. v. 4. quod qui talibus utitur, turget, nihil sciens, sed langvens circa questio-nes, & verborum pugnas, ex quibus nascitur invidia, contentio, blasphemie, suspiciones male &c. Conf. 2. Tim. 2. v. 23. Tit. 3. v. 9.

III. *Synonymiam* recensendo: de qua non multum laboramus, cum parum aut nihil lucis substratae materiæ adferat; paucissima itaq; sufficient: scilicet appellari svevit *Disputatio*, *Discursus*, qvod quidem proprie connotat naturalem & instantaneum motum, ex uno loco in aliud, seu *huc & illuc currere*, sive fiat mediate, sive imme-diate, quo sensu Cæsar L. 8. bell. Gall: dicit magno clamore discursuq; passim se fugæ mandant. & Plin: l. 2 c. 36. dicit discursum stellarum, earundem cursum, item Curt: l. 3: c. 2: quod etiam propter analogiam & in uno tertio convenientiam nostris favet partibus: deinde *Disquisitio*, *Dissertatio*, *Ratiocinatio*, *Ratio*, sumto vocabulo rationis, non radicaliter & in statu fundamentali, sed causaliter & effe-

& effective, quaterius judicium colligit syllogisticum ex principiis tam veris quam falsis. Hinc Horat: *Vincent enim stultos ratio insanire nepotes*: Item *Intellectus*, si modo id intelligatur, non de ipsa ejus essentia, sed operatione, quæ tamen voces posteriores rariissime usu veniunt.

THES: III.

Sic brevitate quā fieri potuit, absoluto thematis simplicis & incomplexi scrutinio, quod alias difficultatum spinis obsitum esse solet, injungit jam suscepiti ordinis ratio, ut definitiva tangatur rei substratae lustratio. Sine ullius igitur præjudicio hanc apponere non dubito definitionis facem: *Disputatio est operatio Intellectus, qua diverse sententiae ad normam logicam conferuntur, ex quibus collatis, veritatis flamma in altum vibratur.*

Vel ut M: Saltzhuberus in Methodo disputandi: *Disputatio est artificiosa & ingenua alicujus vocabuli vel rei disceptatio, veritatis vel indaganda vel experiendi causa, ab uno vel pluribus instituta vel suscepta.*

THES: IV.

A Ristoteles in initio I. i. Metaph: omnes homines, quot quot vitali in hoc mundo fruuntur aura, flagrare desiderio sciendi, maximè tamen eos, quibus de meliori luto finxit præcordia titan, subtili acumine asserit: cui succenturiatur Cicero I. 2. de finibus dicens, *natura cupiditatem ingeneravit homini veri inveniendi, quod facilime apparet, cum vacui curis etiam quid in cælo fiat scire avenus.* Proinde B: Aug: I. 4: C: 16: de confessione inquit, *Disputationis acumen Dei donum est.* Scilicet nullo alio modo æque ac per ratiocinationem cognitio rei, quæ sensu non constat, potest acquiri: unde Apostolus Rom: III. 28: dum diu de justificatione meditatus esset, tandem dicit *... & quædā, ratiocinando concludimus &c.* Verum quidem est, natura-

ituralem Logicam rudibus sufficere , minime vero iis, qui supra vulgus aliquid sapere laborant, quos in sua scientia certiores esse oportet & promptiores: semper enim certius, expeditius & promptius agit, qui ex habitu, qualis est Logica artificialis, agit. Absit tamen in æternum, ut dicamus omniscium Deum uti processu ratiocinandi , ejusque scientiam ad notiones naturales successivas constringi credamus, quippe est Deo congenita, non labore quæsita sed naturalis vi eminenti , non discursiva & ratiocinatrix, sed simplicissima , non finita sed infinita & incomprehensibilis , denique ipse Deus, quatenus seipsum & omnia pefectissime simul ac semel unico, eoque simplicissimo ac æterno intuitu comprehendit.

THES: V.

SED ne laxatis habenis, effuso & præcipiti quodam cursu provehar, & ante nidum coniectum ova pariam, hic loci paululum subsistere operæ pretium existimo, præsupponendo ex nostræ hypotheseos ratione, *Causam immediatam Disputationis & efficientem esse intellectum & sanam mentem, cuius proles & fœtus est, ut nihil dicam de subiecto quod est denominationis*, quod homo, qui tanquam splendida domus aureum hoc in se continet clenodium , quo ut pretiosissimo unione ornavit eum Creator. Hinc quoque pullulat quædam prærogativa & excelsiora privilegia, quibus homo præ cæteris gaudet animantibus , adeo ut omnium aliarum creaturarum myriada, tam genera singulorum, quam singula genus, per beneficium rationis antecellat. Hanc si demferis non fecus ac alia animantia errabundus vagatur; de qua etiam Cicero hunc in modum differit : *Homo est multis aliis, tamen hoc uno à bestiis plurimum differt, quod rationem habeat à natura, mentemque datam & acrem & vigentem celerrimeque*

celerrimeq; multa simul agitantem, & ut ita dicam, sagacem, que
& causas rerum & consecutiones videat, & similitudines transfe-
rat, & disjuncta conjungat, & cum presentibus futura copulet,
omnemq; complectatur consequentis statum. l. 2. de Fin. Dix-
cat quis, rō rationale, non hominem, esse subiectum dis-
putationis. Sic est: nihil tamen impedit, quin judicij sive
exercitii rectæ rationis πρᾶτος δεκτινόν, & subiectum quo
seu informationis sit intellectus: nam disputatio sine judi-
cio intellectus nulla est. Vel, quis quæso rō rationale ab
homine separaverit, aut hominem à rō rationali? Et hic
animi stimulus vel potentia aptitudinalis disputandi, ho-
mini actutum à primo conceptionis momento connascitur,
& ab animæ rationalis rore, quemadmodum à toto suo
potentiali dependet: imò homini adhuc infanti inest actu
primo, quamvis conceptus componere & dividere ne-
queat, multo vero minus de compositione eorum judi-
care, rectene illa an sinistre fiant? tum enim mens no-
stra nullam facit distantiam inter boni orientem & ma-
li occidentem, sed hæc in indistinctum confundit Chaos, ne-
vè simplicissimos terminos nec verborum, sensuum, sen-
tentiarum inter se connexarum & rerum disquirere cau-
fas potest: & sic absurditatis esset charybdis, dicere, dispu-
tare, judicare & rationis trutinā non posse aliquid ponderare. Con-
tradictionem involvit in adjecto, disputare de non co-
gnoscibili, dicit Doct: Calov: et si alio scopo: adolescen-
te vero homine, & crescentibus annis crescit potentia ju-
dicativa, firmioresq; crebra exercitatione agit radices,
ut majori robore operationes suas possit in actum secun-
dum exerere, ac per notiones secundas sua obire munia,
quæ modum discurrendi ostendunt, & auxiliatrices præ-
bent manus, ut commodius ratiocinandi viam teneamus.
Intellectus enim noster ita est occœcatus, ut nequaquam fun-

B

damen

damentaliter, radicaliter & in statu individuali singula
queat examinare: igitur necessum habet per abstractio-
nem quandam præcisivam, rem in statu universali con-
siderare. Unde quilibet apertis oculis potest concludere,
disputationem esse opus intellectus: quod erat proban-
dum.

THES: VI.

Excipit jam *causa materialis* Disputationis, quæ omnes
cognoscibilium controversiarum tortuosissimas & im-
plicatas silvas perrumpit, & non solum circa nobilissimas
subtilitates, verum etiam vilissimas rerum quidditates dis-
quiringendo versatur. In transcursu tantum levi crena præ-
libabimus, quod res Theologicæ, eminentes & sublimes,
ut sunt profunda & tremenda mysteria divina, ad amus-
sim intellectus temerè non sunt examinanda aut mensuranda;
quippe non cadunt sub nudam contemplativam sci-
entiam, & historicam notitiam, sed fidem & assensum
requirunt, juxta Heb: ii. v. i. Ergo illa potius admiratione
elevare, quam rationis umbra obnubilare tenemur. Inde
tamen nemo Criticorum hunc conclusionis nodum con-
stringat; sacratissimas pandectas rectæ rationis lumen
tollere: nullus enim locus ei, dum intra sphærā se continet,
obicem ponit. Impossibile est, ut Deus solum per Scripturā
inclinet ad veritatem, & per lumen rationis ad falsitatem.
Interim notandum illud Chrysostomi, dicentis Hom. 22:
Magnum est periculum, res fidei humanis committere rationibus,
quia transcendunt captum. ut Apost.

THES: VII.

In disputando frustraneus erit labor, nisi intima proposi-
tionum viscera summa cum diligentia animadverten-
tur, quibus nituntur ceu fulcris consequentiæ. Qui enim
artificiose disputare cupit, Logicæ sit studiosus oportet,
cum

cum nullus tristes sit certior, qui ad clarissimam cognitionis arcem nos dicit, quam habitus logicus. Et hic est legitimus modus discurrendi, ut fiat per syllogismos, sive sint expliciti sive impliciti; horum enim beneficio, velut pressis manibus, tenemus totum controversiae nervum. Unde Axioma Noologicum: *Notionum logicarum norma est facilior veritatis investigatio.* Item, *semper in forma Logica est disputandum.*

THES: VIII.

Citra contradictionem & ambabus largimur ulnis veritatem, quæ conuenit cum *Sublimi Intellectu*, omnia ab omni æternitate, modo quodam imperscrutabilii intelligentis, puta ipsius *Veritatis*, qui universaliter beneplacito ita voluit, & infallibiliter vidit, ut in suæ entitatis veritate alio modo se habere & esse nequeant, quam subjective & in se existunt, semper esse sibi similem, nec esse posse multiformem: Sed hoc fit monstroso judicii defectu in hominibus, quod in apprehendendo variarum rationum confluxu a scopo veritatis exorbitent, quæ tamen ultius pensitatæ coalescunt. Multa quoque sensus vera demonstrat, quæ tamen paucis obvia sunt, unde saepe in Disputationem veniunt, & nonnunquam dubitatur de sensuali perceptione, cum variis de causis falli possunt sensus nostri. Placet exscribere, quid Philosophus hac de re senserit: Si sensus, *inquit*, non errent, nec intellectus errabit; intellectus enim agens ad Ideam & exemplar phantasmatis, quod habet in obtutu, speciem imprimat intelligibilem, quæ expressa deinde exesse refert phantasma, unde intellectus objecti claritate & evidentiâ ita cogitur, ut dissentire non possit, si maxime vellet: antequam aliquid certi statuatur, & assensum suum adhibet intellectus, facultas judicativa seu tertia mentis operatio accedat, hoc o-

minino efflagitat veritatis sobria cognitio , ut undiquaque cogitationum, meditationis, & deliberationis ocellis curiosa quadam indagatione circumspiciatur, & ad stateram rationis examinetur, quae notiones complexae isti vel huic specierum vel affectionum conceptui imponi merentur, sive erroris luto obvoluta fuerit, (scilicet veritas) id heriaco quodam animo, ut fæcem ingratam, mentis limâ discussiat, sive puritas genuini inclarerit sensus, hanc assensu illiniat, ut qui nucem de cuneo, & carnem de osse se junxit, avellit, ita disputans veritatem à falsis suspicionibus disgregat; propterea Disputatio est venatio veritatis; sic Plato Philosophum venatorem appellat veri.

THES. IX.

Tandem, nunc manet Disputationis legitimum & proprium finem esse veritatis inquisitionem & acquisitionem, loquendo de fine obtinendo. Sed carbasa contraham, ne forte altiores undæ, ex abyssu æstuantes, tenuem frangant ratem, portum intrabo, ubi scaphulâ arenæ applicatâ, inter virgulta liber hujus laboris ludere cupio.

SOLI SAPIENTI LAUS!

